

ԱՌԱՋԻՆ ԿԻՆ ՈՒՐԱՐՏԱԳԻՏՈՒ

1997 թ. մարտի 13-ին վախճանվեց անվանի ուրարտագետ, հնագետ, ազգային-հասարակական գործիչ Մարգո Իսրայելյանը:



Մարգո Ավագի Իսրայելյանը ծնվել է 1909 թ. Թիֆլիսում, արհեստավորի ընտանիքում: 1929 թ. տեղի մանկավարժական թեքումով հայկական թիվ 72 դպրոցն ավարտելուց հետո մոտ երեք տարի հայոց լեզու և գրականություն է դասավանդել քաղաքի հայկական դպրոցներից մեկում: 1932 թ. Վրաստանի խոսավորության ժողովրդական կոմիսարիատի հատուկ գործուղմամբ ընդունվում և 1937 թ. գերազանցությամբ ավարտում է Երևանի պետական համալսարանի պատմա-հասիրական բաժինը: Լսելով մեծ եղբոր ձերբակալության լուրը՝ հրաժարվում է ասպիրանտուրա մտնելու առաջարկից և քաղաքական հետապնդումների հետևանքով որբացած ընտանիքին ձեռք մեկնելու նպատակով վերադառնում է Թիֆլիս, աշխատանքի անցնում տեղի հայկական դպրոցներում: 1940 թ. ընդունվում է Երևանի պետհամալսարանի ասպիրանտուրան և ակադ. Գր. Ղափանցյանի ղե-

կավարությամբ խորանում ուրարտագիտության մեջ:

1943—1949 թթ. հայոց լեզու և ուրարտերեն է դասավանդել Երևանի համալսարանում, զուգահեռաբար աշխատել նախ՝ Հայաստանի պատմության պետական թանգարանում (1944—1945 թթ.), ապա՝ Հայաստանի ԳԱԱ լեզվի ինստիտուտում (1946—1949 թթ.), որտեղ և փայլուն կերպով պաշտպանում է թեկնածուական ատենախոսությունը (Պատմական Արմավիրը՝ ըստ ուրարտական արձանագրությունների):

1949—1980 թթ. աշխատել է Հայաստանի ԳԱԱ Պատմության ինստիտուտում, 1980 թ. վականին հրաժարվել է գլխավորելու Հայաստանի կառավարության առընթեր Պատմության և մշակույթի հուշարձանների պահպանման ու օգտագործման գլխավոր վարչությունում իր իսկ առաջարկությամբ հիմնված ուրարտագիտության լաբորատորիայի:

Ուրարտերենի իմացությունը զուգակցելով պրակտիկ հնագիտությանը և տիրապետելով ուրարտագիտության մեջ խորանալու համար խիստ անհրաժեշտ գերմաներեն, ռուսերեն նաև վրացերեն լեզուներին՝ գիտության շնորհ ոտք դրած երիտասարդ գիտնականը կարճ ժամանակում կարողանում է դառնալ հեղինակություն, տարիներ շարունակ համարվելով ուրարտերենի լավագույն գիտակը Հայաստանում: 1950 թ. Մ. Իսրայելյանը վերածանում է նույն թվականին հաստատված էրերունիի հիմնարկման հայտնի արձանագրությունը՝ առաջ քաշելով այն տեսակետը, որ Երևանի անունը ծագում է էրերունիից: Սույն տեսակետը հետագայում զարձակ տիրապետող և գրա հիման վրա 1968 թ. մեծ շուքով տոնվեց Երևանի 2750-ամյակը:

Ականավոր հնագետը մասնակցել է Հայաստանի տարբեր յնակավայրերի պեղումներին, նկարագրել բազմաթիվ հնավայրեր, գտածո հուշարձաններ, սովել ուրարտերենի որոշ քերականական ձևերի բացատրությունները, ճշգրտել բազմաթիվ բառերի իմաստները, արդեն իսկ հրատարակված մի խումբ արձանագրությունների տեքստային տառադարձությունների մեջ կատարել էական շտկումներ, առաջարկել դրանց իմաստային նոր թարգմանությունները:

Անվանի նազեւոր վերծանել է նաև մինչ այդ անհայտ գաղափարագրեր, կատարել որանց գիտական թարգմանությունները, ճշտել գրականության և արձանագրությունների մեջ վկայված առանձին բնակավայրերի տեղագրությունը: Հնավայրերի պեղման և ուսումնասիրության բնագավառում նրա դործունեությունից հասկանալի է էրերունի պեղումների ընթացքում ուրարտական «սուսի» կոչվող տաճարի հայտնաբերումը, լափագրությունը և պաշտամունքային այդ հուշարձանի կառուցվածքի ու նշանակության ճշտումը: Սուսիի պեղումների ընթացքում նա հայտնաբերել և ուսումնասիրել է բազմաթիվ որմնանկարներ, րացահայտել դրանց նշանակությունը: Իսկ տաճարի մուտքի մոտ գտնված երկու նույնական արձանագրությունները վերծանելով, ի հայտ է բերել ուրարտական «գիցարանի» մինչ այդ գիտությանն անհայտ իվարշա աստծո անունը, որը քացալում է ուրարտական գիցարանը ներկայացնող վանի ՄՀՆՐԻ գոան» հայտնի արձանագրության մեջ:

Մ. Իսախանյանը կազմել, նկարագրել, լափագրել և գիտական ծանոթագրություններով օժտել է տարրեր վայրերից հայտնաբերված՝ «տուրյան» հայտնի ուրարտական բոլոր սեպագիր այբանագրությունները (ավելի քան 450 միավոր): Այդ արձանագրությունների հույժ կարևոր ու եզակի ժողովածուն (45 մամուլ) գիտնականի գլուխգործոցն է և ցավոք՝ դեռևս անստիպ: Տպագրել է «էրերունի բերդ-քաղաքի պատմություն» մեծարժեք աշխատությունը (Երևան, 1971 թ.), գիտական և ընթացիկ մամուլում հրատարակել է մոտ 30 գիտական, նույնքան էլ հրապարակախոսական հոդվածներ: Ձևագիր է թողել մեկ տասնյակի լափ ուսումնական իրավություններ, որոնց մեջ՝ «Հայ հին սրահի բնույթը», «Արարատյան դաշտի հնագույն քաղաքները», «Պատմական Արմավիրը և արարտական արձանագրությունները», «Ար-

գիշթի Ա-ի տարեգրությունները», «Ուրարտագիտության պատմություն» և այլն: Մ. Իսախանյանը իր գիտական ու քաղաքական տեսակետները պաշտպանող վերին աստիճանի սկզբունքային մտավորական, հասարակական գործիչ և քաղաքացի էր: Նա երբեք չընկրկեց իր ժամանակներում սովորական դարձած ճնշումների և սպառնալիքների առաջ, որն էլ գիշումով հետ չկանգնեց իր համոզմունքներից ու դիրքորոշումներից: Առանձնապես ըմբոստանում էր Հայաստանից հայտնաբերված պեղածո արժեքները երկրից դուրս տանելու դեմ, պահանջում էր կազմել միութենական հանրապետություններ, հատկապես Ռուսաստան (էրմիտաժ և Պուշկինի անվան թանգարան) և Վրաստան տեղափոխված պատմամշակութային արժեքների գիտացուցակները՝ դրանք անհապաղ հայրենիք վերադարձնելու համար: Նրա ջանքերով ձևավորված հասարակական կազմի ճնշմամբ 1970-ականների կեսերից նման ղեկավարը հասցվեցին նվազագույնի:

Անգիշում էր նաև պեղածո հուշարձանների պահպանության խնդրում: Հանրապետության մամուլում տպագրված հոդվածներով հորդորում էր պեղման նպատակով հուշարձանը բացելուց հետո բախտի քմահաճութիւն չթողնել, այլ պեղման գումարների մեջ նախատեսել նաև հուշարձանը պեղելուց անմիջապես հետո ամրակայելու (կոնսերվացիա) և պահպանելու համար նախատեսվող ծախսեր: Այս հարցում իր դավանանքն էր՝ «Եթե հուշարձանը չպիտի կարողանանք պահել, չպիտի պեղենք: Իր ազնվական ու վսեմ խառնվածքով, պատկառանք ներշնչող էությունը նա եղավ Հայ գիտնականի արժանապատվությունը ամրակայող ու պահպանող եզակի անհատներից մեկը այդ դժվար ժամանակներում:

Ռ. Հ. ՀԱՄԲԱՐՁՈՒՄՅԱՆ